

Umhverfisstofnun
B.t. Guðmundar B. Ingvarssonar
Suðurlandsbraut 24
108 Reykjavík

Reykjavík 30. apríl 2013

Varðar beiðni Umhverfisstofnunar um álit SHS á tillögu um sarfsleyfi fyrir Sorpu b.s. í Álfsnesi.

Góðfúslega skal bent á eftirfarandi atriði sem betur mættu fara í fyrirhuguðu starfsleyfi:

1.8 Lokun urðunarstaðar.

Þar sem metangas myndast á svæðinu eftir að starsemi þar lýkur er eðlilegt að gerð verði grein fyrir því á hvern hátt brugðist verði við, t.d. með áframhaldandi söfnun gassins og/eða mælingum á gasmyndun.

2.4 Viðbragðsáætlun.

Bæta mætti við greinina að jafnframt að gera skuli viðbragðsáætlun gagnvart bráðamengun skuli einnig gera slíkt gagnvart eldi á svæðinu. Miklir eldar hafa þegar kviknað á svæðinu og rétt að koma vinnubrögðum í skipulagt ferli. Hvernig skuli brugðist við, hvað sé rétt að gera og hvað skal látið ógert.

2.4 Óeðlilega mikil mengun.

Mögulegur bruni á svæðinu veldur umtalsverðri loftmengun og eðlilegt að slíks sé getið í þessum kafla.

2.5 Tilkynningaskylda vegna mengunarslysa.


Það er óeðlilegt að ekki sé tilgreint að slökkviliði sé upplýst strax um mengunarslys. Samkvæmt lögum nr. 75/2000 er það „Slökkviliðsstjóri sem ... hefur stjórn á vettvangi við mengunaráhöpp á landi. Við þessi störf er löggæslulið og opinberir eftirlitsaðilar undir yfirstjórn slökkviliðsstjóra”.

Skilgreining laganna á mengunaráhappi er að “þegar bráðamengun verður og eiturefni eða önnur efni berast eða kunna að berast í umhverfið og tafarlaus úrræði eru nauðsynleg vegna hættu á tjóni á umhverfi, heilsu fólks eða eignum”

3.5 Hauggas.

Í drögunum er gefinn ádráttur með að brenna hauggasi. Framleiðsla, geymsla og sala á á brennanlegu gasi fellur einnig undir lög og reglur um brunamál. Ekki er heimilt að vera með opin eld á höfuðborgarsvæðinu án tilskilinna leyfa. Eðlilegt er að geta þess í drögunum og einnig að í brunahönnun skuli gera grein fyrir sérstökum öryggisráðstöfunum vegna þessa, í samráði við slökkvilið.

Viringarfullst,
e.u. slökkviliðsstjóra,


Bjarni Kjartansson, sviðsstjóri.